

ያይቆቢ ፃፊዳ ኪታ ጋላ ቆፋ

ያይቆባ ኪታይ፡ አማኒያ አሲ ጋላስ ጋላስ ባ ዴዑዋ ካሌሌያ ቆፋታ ኦይኪስ። ሃ ኪታይ ፃፊቲዳይ፡ ቢታ ኡባን ላሌቲዳ ታማኔ ናምዑ አይሁዳ ዜሬላሳ። ሃ ማፃፋ ፃፊይ፡ ጨንጫቴሌ ኑኒ ኦሶን ፔሺያ ሂላ፡ አማኒያ አሳ ሞኮባኔ ሎዖ ካንዶስ ኦኔ ቤሲያ ኦዳታ ሚሲሌዳ ቆንጨሲስ።

ያይቆባ ኪታይ፡ ማንቆቴላባ፡ ዲሬቴላባ፡ ፓጩባ፡ ሎዖ ካንዶባ፡ ቃናቴባ፡ አማኖባ፡ ሎዖ ኦሶባ፡ ኢንፃርሳ ሃርባ፡ ጨንጫቴላባ፡ ኢሶይ ኢሱዋራ ኦሻባ፡ ኦቶርባ፡ አሽኬቴላባ፡ ሃራ አሳ ቦላ ፒርዳባ፡ ጨቁቴላባ፡ ጌንጫባ፡ ዋሳባኔ አማኒያ አሲ አላናው ቤሲያባ ኡባ ቆሪዲ ፃፊስ።

ያይቆባ ኪታይ፡ አማኖ ዴዖን አማኖይ ኦሶን ፔጊያ ሃናታታ ቆንጨሲዲ ቤሲስ።

ያይቆባ ኪታ ኦይፌ ቆፋታ

ሳርሶ 1:1

አማኖኔ ጨንጫቴሌ 1:2-8

ማንቆቴሌኔ ዲሬቴሌ 1:9-11

ፓጩ 1:12-18

ዖሳ ቃላ ሲሲኔ ኦሶን ፔሾ 1:19-27

አሴ አሳፔ ዲማኖ ኮሾናይሳ 2:1-13

አማኖኔ ኦሶ 2:14-26

ኢንፃርሲ ሃርባ 3:1-18

አማኒያ አሲኔ ሃ አላሚያ 4:1-5:6

ዲማ ዲማ ዞሬታ 5:7-20

1 ዖሳኔ ጎዳ ዬሱስ ኪሪስቶሳ ኦይሌይ፡ ያይቆቢ፡ ቢታ ኡባን ላሌቲዳ ታማኔ ናምዑ ሹሻታስ ኪቲዳ ኪታ።

ሳር፡ አይ ሜላ ዴዔቲ?

አማኖኔ ጨንጫቴሌ

2 ታ ኦሻቶ፡ ሂንቴና ዲማ ዲማ ፓጩይ ጋኪያ ዋዴ ሂንቴ ሎዖባ ዴሚዳዳ ኩሜላ ኡፋይሳን ኤኪቴ። 3 ሂንቴ አማኑዋ ፓጩቴላይ ዲንዳዓ ሂንቴው ኢሜይሳ ኤሬታ። 4 ሂንቴ ወርሴሌ ጋካናው

ዳንዳዒኮ አይቢ ፓጩይ ባይና ፖሎኔ ኩሜሊ ገዳታ። 5 ሂንቴፊ ኦዳሰካ ጪንጫቴላ ጳዪኮ ያሳ ዋሶ። ኢያው ኢሜታና። ያሳይ ኦናካ ቦርና ኡባሰ ኬሃቴላን ኢሚያ ያሴ። 6 ሺን ኢ ዋሲያ ዋዴ ሲጶና ኣማኖን ያሳ ዋሶ። ሲጶያ ኦኒካ ጫርኮይ ሱጊን ቃዲያ ኣባ ዙሌ ማላ። 7-8 ናምቡ ቆሬ ዴዔይኔ ባ ኦጊያን ኤቆና ኦኒካ ጎዳፔ ኣይኮካ ዴማና ገዲ ቆፖፎ።

ማንቆ ኣሳኔ ዱሬ ኣሳ

9 ኣማኒያ ማንቆ ኣሳቲ፣ ያሳይ ኤንታና ጶቁ ኦሊያ ዋዴ ኡፋይቶ። 10 ቃሲ ኣማኒያ ዱሬ ኣሳቲ ያሳይ ኤንታና ዚቂ ኦሊያ ዋዴ ኡፋይቶ። ዱሬ ኣሳቲ ጪሻዳ ጳያና። 11 ኣዋይ ባ ሚሻራ ኬዱዲ ማታ ማሊሲን፣ ጪሻይ ቆሌቴሰ፤ ኢያ ሎፖቴላይካ ጳዩሰ። ሃሳዳካ፣ ዱሬ ኣሳቲ ባንታ ኦሱዋን ዳቡሪሼ ጳያና።

ኣሴ ጋኪያ ፓጪያ

12 ማቲዋ ያኒዲ ኣጲዳፔ ጉዬ፣ ያሳይ ባና ሲቄይሳታሰ ኢማና ገዲ ቃላ ጌሊዳ ዴፖ ካላቻ ኤካና ጊሾ ማቶን ጌንጪያ ኣሲ ኣንጃቲዳይሳ። 13 ኦኒካ ፓጩቴያ ዋዴ «ታና ያሳይ ፓጩሰ» ጎፖ። ያሳይ ኢታን ፓጩቴና፤ ቃሲ ኢ ኦናካ ፓጩና። 14 ሺን ኢሲ ኢሲ ኢሲ ባ ኢታ ኣሙዋን ጎሼቲያ ዋዴ ጪሜቲያ ዋዴ ፓጩቴሰ። 15 ሃሳፌ ጉዬ፣ ኣሞቴላ ቃንሳቲዲ ናጋራ ዩሌሰ፤ ቃሲ ናጋሪ ዲጪዲ ሃይቆ ዩሌሰ።

16 ታ ሲቆ ኢሻቶ፣ ጪሜቶፊቴ። 17 ሎፖ ኢሞይኔ ኩሜላ ኣንጃ ኡባይ ሳሎፔኔ ሳሎዋ ፖቡዋ ማጲዳ ያሳ ኣዋፔ ዩሰ። ያሳይ ኩያዳ ኡባ ዋዴ ላሜቴና። 18 ኦኒ፣ ኢያ ማጲቴላሰ ኮይሮ ገዳና ማላ ኦና ቱማ ቃላን ባ ሸኔን ዩሊሰ።

ሲሲኔ ኦሶ

19 ታ ሲቆ ኢሻቶ፣ ሃይሳ ኣኬኪቴ። ኣሲ ኡባይ ሲዓናው ኤሌሶ፣ ሺን ኦዳታናውኔ ሃንቄታናው ኤሌሶፖ። 20 ኣሳ ሃንቆይ ያሳይ ኮያ ዲሎቴላ ኤሃና። 21 ሃሳ ጊሾ፣ ቱና ሃናታኔ ኢታቴላ ኡባ ዲጊዲ፣ ያሳይ ሂንቴ ዋዛናን ቶኪዳ ሂንቴ ሸምፑዋ ኣሻናው ዳንዳዒያ ቃላ ኣዳቴላን ኤኪቴ።

22 ሺን ያሳ ቃላ ኦሶን ፔሺቴፔ ኣቲን ሲሳ ዓላላን ሂንቴና ጪሞፊቴ። 23 ቃላ ሲዒዲ ኦሶና ኣሲ፣ ኢ ባ ሶምቡዋ ማሰቶቴን ቤዒያ ኣሳ ማላ። 24 ኢ ባ ሶምቡዋ ቤዒዲ ቤሰ፣ ሺን ኢ ኣይ ዳኒያኮ ኤሌሲ ደጌሰ። 25 ሺን ኦኒካ ኣይሌቴላፊ ኬሲያ ፖሎ

ሂጊያ አኩካን በዔዲ፣ ካሊዲ ናጌይ፣ ሲዒዳይሳ ደጎና ኦሶን ፔሺያ ኡራይ፣ ባ ኦሶ ኡባን አንጃታና።

26 ባ ኢንፃርሳ ናጎና አማናይሰ ጊያ ኡራይ ባና ጨሜሰ፤ ኢያ አማናይ ሃዲ። 27 ያሳ አዋ ሲንሳን ቦሬይ ባይና ጌሻ አማናይ ሃይሳ፣ ኢያ አጫ ባይና ናይታኔ አምዔታ ማዶኔ አላሚያ ቱናፔ ባና ናጎ።

2

አሴ ሻኮፋ

1 ታ አሻቶ፣ ሂንቴ ኑ ቦንቾ ጎዳ ዬሱሰ ኪሪሰቶሳ አማኒያባ ጊዲኮ፣ አሳ ሶምዎ ያሊዲ አሴ ቦንቾሬቴ። 2 ለሚሶስ፣ ዋርቃ ሚጊዶ አሊዲ፣ ሎዎ ማዎ ማዒዳ ዱሬ አሴ ሂንቴ ሸቁዋ ዪሰ። ቃሲ ጨርቃ ማዎ ማዒዳ ማንቆ አሲካ ዪሰ። 3 ሎዎ ማዎ ማዒዳ አዲያ ሂንቴ አሊ ቦንቹዲ፣ «ኔ ሃይሳን ሎዒያ ኦይዲያን ኡታ» ጊዲ፣ ቃሲ ማንቆ አዲያ፣ «ኔ ያን ኤቃ ዋይኮ ሃይሳን ታ ቶሁዋ ማታን ሳዒን ኡታ» ጌታ። 4 ያቲን፣ ሂንቴ፣ ሂንቴ ጊዶን ሻኬቴሊ ሜዴይሳታኔ ኢታ ቆፋራ ዳዒያ ዳይናታ ሜላ ጊዴኬቴዬ?

5 ታ ሲቆ አሻቶ፣ ሲዒቴ። አማናን ዱሬ ጊዳና ሜላኔ ባና ሲቆይሳታሰ አማና ጊዳ ሳሎ ካዋቴላ ላታና ሜላ ሃ ሳዒን ዳዒያ ማንቆታ ያሳይ ዶሪበኔዬ? 6 ሺን ሂንቴ ማንቆታ ቶቹታ። ሂንቴና ኡንዔጫይሳቲ ዱሬታ ጊዶኮናዬ? ሂንቴና ዳይና ሲንሊ ጎቹይሳቲ ኤንታ ጊዶኮናዬ? 7 ሂንቴ ያጌቲዳ ሎዎ ጎዳ ሱንሳ ጨዬይሳቲ ኤንታ ጊዶኮናዬ?

8 ሺን ጌሻ ማፃፋን፣ «አሴ ኡባ ኔና ኔ ዶሴይሳዳ ዶሳ» ጌቴቲዲ ፃፊቲዳ ያሳ ካዋቴላ ሂጊያ ሂንቴ ፖሊኮ ሎዎ ኦጫታ። 9 ሺን ሂንቴ አሳ ሶምዎ ያሊዲ ቦንቹኮ፣ ናጋራ ኦጫታ ቃሲ ሂጌይ ሂንቴና ሂጌ ሜንሊዳ አሳዳ ፒርዳና። 10 ኦኒካ ሂጌ ኡባፌ ኢሱዋ ሜንሊዲ፣ አቲዳ ኡባ ናጊኮ ኡባ ሜንሊዳዳ ታይበቴሰ። 11 «ላሞፋ» ጊዳ ጎዳይ፣ ቃሲ «ዋዶፓ» ጊሰ። ሺን ኔኒ ላሞና አጋዳ ዋዶዳባ ጊዲኮ፣ ሂጊያ ሜንላዳሳ። 12 አይሌቴላፌ ኬሲያ ሂጊያ ሲንሳን ፒርዳ ኤካናው ዳዒያ አሳዳ ኦይቲቴኔ ኦጫቴ። 13 አሴ ማርና ኦናካ ያሳይ ማርና ፒርዳና። ሺን ማርቴላይ ፒርዳ ያኔሰ።

አማናኔ አሶ

14 ታ ኢሻቶ፡ ሂንቴፌ ኢሲ ኣሲ ታው ኣማኖይ ዴዔስ ጊዲ፡ ባ ኣማኑቆ ኦሶን ቤሶና ኢዲኮ ኢያ ኣይ ማዳኔ? ኢያ ኣማኖይ ኢያ ኣሻናው ዳንዳዒ? 15 ለሚሶስ ኢሲ ኢሻይ ዎይኮ ኢሲ ሚቺያ ካሎቲኮኔ ኤንታው ሚያባይ ቆዩኮ፡ 16 ሂንቴፌ ኢሲ ኣሲ ኤንታኮ፡ «ሳሮ ቢቴ! ታማ ካዩቴ! ካሊዲ ሚቴ!» ጊዲ፡ ኮሺያባ ኤንታው ኢሞና ኢዲኮ ኤንታ ኣይ ማዲ? 17 ሄሳ ጊሾ፡ ኦሶይ ባይና ኣማኖይ ባርካ ሃይቁዳይሳ።

18 ሺን ኢሲ ኣሲ፡ «ኔው ኣማኖይ ዴዔስ፤ ቃሲ ታው ኦሶይ ዴዔስ። ኔኒ ኔ ኣማኑቆ ኔ ኦሶቆፕ ሻካዳ ታና ቤሳ፤ ታካ ታ ኣማኑቆ ታ ኦሶቆን ኔና ቤሳና» ጋና። 19 ኔኒ፡ ኢሲ ያሳይ ዴዔይሳ ኣማናሳ፤ ሄሲ ሎዎ። ቱና ኣያናቲካ ኣማኖሶና፤ ያሻን ኮኮሮሶና። 20 ኔና ኤያው! ኣማኖይ ኦሶፕ ሻኬቲዲ ማዶናይሳ ኤራናው ኮያይ? 21 ኑ ኣቆ ኣብራሃሚይ፡ ባ ናባ ዩሳቃ ያርሾ ቤሳ ቦላ ዎሊዳ ዎዴ ባ ኦሶቆን ያሊቤኔ? 22 ኢያ ኣማኖይኔ ኢያ ኦሶይ ኢሲፌ ኦሊዳይሳ ቤዒኪ? ኢያ ኣማኖይ ኢያ ኦሶቆን ፖሌቲስ። 23 ጌሻ ማፃፋይ፡ «ኣብራሃሚይ ያሳ ኣማኒስ። ያሳይ ሄሳ ኢያው ያሎቴሊ ኦሊዲ ታይቢስ» ጊዲይሲ ፖሌቲስ። ቃሲ ኢ ያሳ ዳቦ ጌቴቲዲ ያጌቲስ። 24 ኣሲ ኣማኖ ያላላን ጊደናሺን ኦሶን ያሊይሳ ቤዓሳ።

25 ሄሳዳካ፡ ላይሚያ ራዓባ ኢስራዔሌፕ ከቴቲዳይሳታ ሞካዳ ሃራ ኦጌራ ኤንታ ሞይዚዳ ዎዴ ባ ኦሶቆን ያላቤኬ?

26 ሺሞፖይ ሻኬቲዳ ኣሳቴላይ ሃይቆ ጊዳይሳዳ፡ ኦሶይ ሻኬቲዳ ኣማኖይካ ሃይቁዳይሳ።

3

ኢንፃርሲ ናሳ

1 ታ ኢሻቶ፡ ሂንቴፌ ዳሮቲ ኣስታማሬ ጊደፖ። ኑ፡ ኣስታማሬቲ ሃራታፕ ኣዲያ ፐርዳ ኤካናይሳ ሂንቴ ኤሬታ። 2 ኑ ኡባይ ዳርባን ባሌቶስ። ባ ኦዲን ባሌቶና ኦኒካ ባናቴላ ናፓናው ዳንዳዒያ ፖሎ ኣሲ። 3 ፓራቲ ኦስ ከቴታና ሚላ ቢፃላ ባርሲዲ ኦኒ ኮያ ቤሲ ኡባ ኤፎስ። 4 ማርካቤይ ሄሳ ሚላ ጌታ ጊዲሺ ዎልቃማ ጫርኩቆን ሱጌቲኮካ፡ ኢያ ላጌይሲ ባ ኮያ ቤሲ ዛሪዲ ላጌያ ጉላ ሚላን ላጌቲዲ ቤስ። 5 ሄሳዳ ኢንፃርሲ ኣሳቴላ ጊደን ጉላ ጊዲኮካ ዳር ጌታባን ጨቁቴስ።

2:21 ሜዴ 22:1-14 2:23 ሜዴ 15:6፤ 2ታሪ 20:7፤ ኢሳ 41:8 2:25 ኢያ 2:1-21

ጉላ ታሚ ዳር ጊታ ዋራ ፀጌሰ። 6 ኢነግርሲ ታማ ማለ።
 ኢነግርሲ ኑ አሳቴላ ጊደን ኢታን ኩሚዳ አላሜ፤ አሳቴላ ኡባ
 ቱኒሴሰ። ጋናሚፔ ኬያ ታማዳ ኑ ደዑዋ ዋላ ኡባ ፀጌሰ።
 7 ደዓታኔ ካፎታ፣ ኡሎራ ጎሼቴይሳታኔ አባን ደዒያ ማይጴቴላታ
 ኡባ አሲ ሃራሰ፤ ኤንቲካ ሃራቲደሶና። 8 ሺን ኦኒካ ኢነግርሲ
 ሃራናው ዳንዳዒቤና። ኢነግርሲ ዋይያ ማርዘይ ኩሚዳ ሃራቶና
 ኢታ ማይጴቴላ። 9 ኑ ኢነግርሳን፣ ኑ፣ ጎዳኔ ጆሳ ጋላቶሰ። ቃሲ
 ኢያራ ጆሳ ለሚሶን ማይጴቴዳ አሳ ቃንጎሰ። 10 ኢሲ ደናፔ ጋላቲኔ
 ቃንጌላ ኬዬሰ። ታ ኢሻቶ፣ ሄሳዳ ሃናናው ቤሴና። 11 ፑልቶይ
 ኢሲ ኦላፌ ማልዒያ ሃላኔ ጫሚያ ሃላ ፑልታናው ዳንዳዒ?
 12 ታ ኢሻቶ፣ ባላሴ ሚላ ሻማሆ አይፋናው ዳንዳዒ? ዋይኮ
 ዋይኔ ሚላ ባላሴ ሚላ አይፌ አይፋናው ዳንዳዒ? ጫዋ ሃላፌ
 ማልያ ሃላ ኬያናው ዳንዳዒና።

ሳሎ ጠንጫቴላኔ ሳዓ ጠንጫቴላ

13 ሂንቲ ጊደን ጠንጠኔ አከካንቸይ ኦኔ? ባ ሎዎ ደዑዋ፣
 አሽኬቴላኒኔ ጠንጫቴላን ኦሴቲዳ ኦሶን ቤሶ። 14 ሺን ሂንቲ
 ዋዛናን ጫሚያ ቃናቴይኔ ባና ደሶይ ደዒኮ ጠቁቶፊቲ፤ ቲማ
 ቦላ ዋርደቶፒቲ። 15 ሄሳ ሚላ ጠንጫቴላይ ሳሎፔ ዪዳባ
 ጊደናሺን ሄሲ አሳባ፣ አላሚባ፣ ፃላሄባ። 16 ቃናቴይኔ ባና ደሶይ
 ደዒያ ሶን ኦሺኔ ኢታ ኦሶ ኡባይ ደዎሶና። 17 ሺን ቦላፌ
 ያ ጠንጫቴላይ ኡባፌ ሲንላ ጌሺ። ቃሲ ሳርቴላ፣ አዳቴላ፣
 ሲዒዲ ኤኬይሳ፣ ቃይቴይሳ፣ ሎዎ አይፌይ ኩሚዳይሳ፣ አሴ
 ሻኮናይሳኔ ጩቦቴላ ባይናይሳ። 18 ሳርቴላ ደሴይሳቲ ሳርቴላ
 ዜራዲ ዒሎቴላ ቡጮሶና።

4

ሃ አላሚያራ ዳቦቶፒቲ

1 ኦሺኔ ኦሊ ሂንቲ ጊደ አዉፔ ዪ? ኤንቲ ዬይ ሂንቲ አሳቴላ
 ሃራናው ኦሌቲያ ሂንቲ አሽ አሙዋፔ ጊዳኔዬ? 2 ሂንቲ አዋቴታ፣
 ሺን ደሚኬታ፤ ሄሳ ጊሾ፣ ዋይታ። ሚንላ ኮዬታ፣ ሺን ደማናው
 ዳንዳዒኬታ፤ ሄሳ ጊሾ፣ ኦዬቴታኔ ኦሌቴታ። ሂንቲ ጆሳ ዋሶና
 ጊሾ ኮያባ ደሚኬታ። 3 ሂንቲ ዋሴታ፣ ሺን ደሚኬታ። ሂንቲ አሽ
 አሙዋ ፖላናው ዋቤ ኦጌን ዋሲያ ጊሾ ደሚኬታ። 4 ሂንቲና፣
 ላይማቴይሳቶ! ሃ አላሚያ ደሴይ ጆሳራ ሞርኬ ጊዳይሳ
 ኤሬኬቲ? ሃ አላሚያራ ዳቦታናው ኮዬይ ኦኒካ ጆሳራ ሞርኬ።

5 ጌሻ ማፃፋይ፡ «የሳይ ኑናን ዳና ማላ ኦሊዳ አያናይ፡ ኑኒ ኢያው ቡዞ ጊዳና ማላ አሞቴሰ» ጊዳይሳ ጮ ጊዳባ ዳኒ? 6 ሺን ጌሻ ማፃፋይ፡ «የሳይ ኦቶራንቸታ ኢጌሰ፡ ሺን ባንታና ካወሼይሳታሰ ማሮቴላ አሜሰ» ያጊያ ጊሾ የሳይ ማሮቴላ ዳርሲዲ አሜሰ።

7 ሄሳ ጊሾ፡ የሳሰ ሃሬቲቴ፤ ፃላሂያራ ኤቁቴቴ፤ ኢ ሂንቴፊ ሃካና። 8 የሳሰ ሺቁቴ፤ ኢ ሂንቴኮ ሺቃና። ሂንቴና፡ ናጋራንቸቶ፡ ሂንቴ ኩሺያ ማጠጫቴ፤ ናሞቡ ቆፊ ዴዔይሳቶ፡ ሂንቴ ዋዛና ጌሺቴ። 9 ካዮቴቴ፡ ዩኪቴኔ አፋፃቴ። ሂንቴ ማቻይ ዩሆን፡ ሂንቴ ኡፋይሳይ አዛናን ላሜቶ። 10 ጎዳ ሲንላን ሂንቴናቴላ ካወሺቴ፤ ኢ ሂንቴና ቶቁ ቶቁ ኦላና።

አሳ ቦላ ፐርዶፊቴ

11 ታ አሻቶ፡ ኢሶይ ኢሱዋ ዘጊሮፐቴ። ባ አሻ ዘጊሬይኔ ኢያ ቦላ ፐርዶይ ሂጌ ዘጊሬሰኔ ሂጌ ቦላ ፐርዶሰ። ኔኒ ሂጌ ቦላ ፐርዶኩ ሂጌ ቦላ ፐርዶይሳ ጊዳሳፔ አቴን ሂጌ ፖሌይሳ ጊዳካ። 12 ሂጌ አሜይኔ ፐርዶይ የሳ ፃላላ። አሻናወኔ ጳይሳናው ዳንዳዔይ ኢያ። ያቴን፡ አሳ ቦላ ፐርዶያ ኔኒ ኦኔ?

ጩቁቶፊቴ

13 ሂንቴ፡ «ኑኒ ሃቺ ዋይኮ ዋንቶ ያ ካታማ ዋይኮ ሃ ካታማ ባና፤ ያን ላይሊ ኡታና፤ ዘልዒዲ ዋጲሳና» ያጌይሳቶ፡ ሲዒቴ። 14 ዋንቶ አይቢ ሃናኔኮ ሂንቴ ኤሬኬታ። ሂንቴ ዴይይ ዋናኔኮ ኤሬይ ኦኔ? ሂንቴ ጉላ ዋይ ቤንቴዲ ጳያ አካ ማላ። 15 ሄሳ አጊዲ፡ «ጎዳይ ጊኮ ኑኒ ዳና፤ ሃይሳ ዋይኮ ሄሳ ኦላና» ያጋናው ቤሴሰ። 16 ሺን ሂንቴ ሃዒ ኦቶርቴታኔ ጩቁቴታ። ሄሳ ማላ ጩቆ ኡባይ ኢታ። 17 ሄሳ ጊሾ፡ ሎዖባ ኦላናው ኤሬሼ ኦላና ኡራሰ ሄሲ ናጋራ።

5

ዱሬታሰ አሜቲዳ ዞሬ

1 ሂንቴና፡ ዱሬቶ፡ ሂንቴ ቦላ ኢታ ሜቶይ ያ ጊሾ ዩኪቴኔ ዙሌሊቴ። 2 ሂንቴ ሻሎይ ቡቁሰ፤ ሂንቴ አፊላይካ ቢላን ማቴቴሰ። 3 ሂንቴ ዋርቃይኔ ሂንቴ ቢራይ ሺዒሰ። ሄ ሺዒይ ሂንቴ ቦላ ማርካ ጊዳና። ኢ ሂንቴ አሳቴላ ታማዳ ማና። ሂንቴ ሃ ዉሪዳ ቃማታን ሂንቴው ሻሎ ዳጋይታ። 4 ሂንቴ ጋዴን ኦሊ

ፔዒዳ አሳ ከራ ሚሺያ ቃንዲቤኬታ። ሄሲ ሂንቴ ቦላ ዋሴሰ። ሄ አሳታ ዋሶይ ዋልቃማ ጎዳ ሃይላን ሲዔቲሰ። 5 ሃ ሳዓን ሂንቴ ኡሎ ፃላላሰ ቆፒዲ፣ ኢንጃን ዳዒዳታ። ሹካሰ ገጌቲዳ ማሄዳ ሂንቴና ጁኪዳታ። 6 ሂንቴራ ኤቁታናው ዳንዳዖና ዒሎ አሳ ቦላ ፒርዲዳታ፤ ኢያ ዋዲዳታ።

ጌንጫኔ ዋሳ

7 ታ ኢሻቶ፣ ጎዳይ ያና ጋካናው ጌንጫቴ። ጎሻንቸይ ቶርቸ ኢራይኔ ሲላ ኢራይ ያና ጋካናው ጌንጫዲ አልዖ ካሳ ናጊዲ ዋቲ ጋላ ኤኪያኮ ቆፒቴ። 8 ሄ ጎሻንቸዋዳ ሂንቴካ ጌንጫቴ። ጎዳ ዩሳይ ማታቲዳ ጊሾ ኡፋይሳን ናጊቴ።

9 ታ ኢሻቶ፣ ያሳይ ሂንቴ ቦላ ፒርዳና ማላ ኢሶይ ኢሱዋ ቦላ ዙዙዋፊቴ። ፒርዳይሲ ፔንጌን ኤቁሰ። 10 ታ ኢሻቶ፣ ዋያን ጌንጫዳ፣ ጎዳ ሱንሳን ኦዲዳ ናቤታ ለሚሶ ኦሊዲ ኤኪቴ። 11 ዳንዳዓን ጌንጫዳይሳታ ኮኒ ኢንጃቲዳይሳታ ጎሰ። ኢዮቤይ ዋኒዲ ጌንጫዳኮ ሂንቴ ሲዒዳታ። ጎዳይ ወርሴሳን ኢያ ዋቲ ማዲዳኮ ቤዒዳታ። ኢ ማርቲኔ ቃጄይ ኩሚዳ ጎዳ ጊዲያ ጊሾ ሄሳ ኦሊሰ።

12 ሺን ኡባፌ ሲንሌ፣ ታ ኢሻቶ፣ ሳሉዋን ጊዲን ዋይኮ ሳዓን ጊዲን ዋይኮ ሃራ አይቢንካ ጫቆፊቴ። ያሳ ፒርዳን ሂንቴ ጌሎናዳ ሂንቴ ኦዳይ ኤ ጊዲኮ፣ «ኤ» ጌቴ፤ አካይ ጊዲኮ፣ «አካይ» ጌቴ።

13 ሂንቴ ጊደን ሜቶ ኤኪያ ኦኒካ ዳዒኮ ያሳ ዋሶ። ኡፋይቲያ ኦኒካ ዳዒኮ ጋላታን ዬያ። 14 ሂንቴፌ ሃርጌቴያ ኦኒካ ዳዒኮ ዋሳ ኬላ ጨማታ ዌጎ። ኤንቲ ጎዳ ሱንሳን ሻማሆ ዛይቴ ቲዬዲ ኢያው ያሳ ዋሶ። 15 አማኖን ዋሲዳ ዋሳይ ሃርጋንቸዋ ፓላና። ጎዳይ ኢያ፣ ሃርጊያፌ ዳንላና፤ ኢ ናጋራ ኦሊዳባ ጊዲኮካ ጎዳይ ኢያ ማራና። 16 ሄሳ ጊሾ፣ ሂንቴ ፓዖና ማላ ሂንቴ ናጋራ ኢሶይ ኢሱዋሰ ፓዒቴኔ ኢሶይ ኢሱዋሰ ዋሰቴ። ዒሎ አሳ ዋሳይ ዋልቃማ ኦሶ ኦሌሰ። 17 ኤሊያሲ ኮ ማላ ኦሌ። ኢሪ ሳዓን ቡኮና ማላ ማንሊዲ ያሳ ዋሰን ሃቸ-ላይሌኔ ኡሱቸን ኦኒና ሳዓን ኢሪ ቡኩቤና። 18 ዛሪዲ ኢ ያሳ ዋሰን ሳሎፔ ኢሪ ቡኩሰ፤ ሳዓይካ ካሊ ሞኪሰ።

19 ታ ኢሻቶ፣ ሂንቴፌ ኦኒካ ቱማ ኦጊያፔ ቡቲኮ፣ ሃራይ ኢያ ቱማኮ ዛሪኮ፣ 20 ናጋራንቸዋ ኢያ ባላ ኦጊያፔ ዛሪያ ኦኒካ፣ ኢያ

5:4 ዛሬ 24:14-15 5:11 ኢዮ 1:21-22፤ 2:10፤ ማዝ 103:8 5:12 ማቶ 5:34-37 5:17 1ካዎ 17:1፤ 18:1 5:18 1ካዎ 18:42-45

ሽምቸዋ ሃይቆፔ ኣሽይሳኔ ኢያ ዳሮ ናጋራስ ማርታ ኢሜይሳ ኤሮ።

ኦራሳ ጩቂዋ ጎፋላ
New Testament in Gofa

copyright © 2011 Wycliffe Bible Translators, Inc.

Language: Gofa

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Gofa

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-25

PDF generated using Haiola and XeLaTeX on 21 Feb 2024 from source
files dated 29 Jan 2022
c35d6c73-3843-5482-b53e-7559d35deee5